

Mi e el Circolo Velico

Meti che uno el te diga: "te piaseria iscriverte al circolo velico?" ti te te vardi 'ntorno perché te abiti a roveredo, trentino altro adige, e te pensi che no te pareria propri el caso.

Te te ricordi el mare, perché te sei sempre nada anca 'n colonia. Te te ricordi ancora i bagni, che i dureva dese minuti, che dopo i te feva vignir fora de corsa perché te gavevi i lavri viola. Te sei adirittura bona de noar, basta che se toca e no ghe sia l'onda. Te sei nada anca quando te eri pu' granda, ma no propri na roba da esagerar e comunque sempre stando coi pei en tera.

Mi me fago rento con tutti.....o quasi, ma quando i è tanti e tutti 'nsieme no som sempre sicura. Ghevo paura de trovar quei che parla co la evve moscia e co la spuza sotto el nas.

Envezi anca no!

A conoserli, i SOCI, gh'è dentro de de ogni: pensionati che 'n la vita ha fat de de tut, magari sol per tre ani, infermieri e medizi, giovani imprenditori, geometri e architetti, maestri e commercialisti, parucchiere e paroni, badanti e impiegati, alpini col cor pù grant del capel.

Ma prima de tuti El Presidente! Che l'è la somma de tuti quei che fa el mucio. L'è n'imprenditore e l'è pensionato, se te voi el zuga con ti a medico e infermiera, l'è maestro de scola per le pazienti, el tegn i conti del circolo e fissi anca i soldi, el fa da badante quando se va n' volta e el gà el cor dei alpini e l'è 'n zugatolom. Quando se va 'n giro el gà le calze una per sort (rosse e verde), se te vai en volta co la barca l'è el prim che 'l pensa ai gavettoni; per tignirlo for dai pei, tel mandi a far la spesa e l'è bom de comprar do ciope con 50,00 euro perchè per el formai bisogna farghe na zonta. E quando l'è sera el fa el sammit, che l'è na scusa per far ancor do ciacere, beber en goz e fumar la pipa.

E alora adess vago 'n barca. Se prima, a nar en machina rimandevò a

ogni curva, adess rimando a ogni onda. Me fa paura tut. Anca l'aria, che quando la è tanta me scondo zo soto e vardo che i me lassa 'n paze. Me godo na mucia quando se se ferma. G'ho 'n recupero veloce e dopo tre minuti de terra ferma te fago storno de ciacere (anca perché g'ho da recuperar).

Se me meto lì a pensarghe sora, l'è stade tante le volte che ho pensà: cossa bambim gesù sonti vignuda a far? Specialmente 'ntant che se neva. Ricordi del tipo: mettete qua 'n banda che te ciapi 'n po' de aria e subit dopo t'è arrivà 'na seciada de acqua; va zo e polsa, e ti'n del nar te slipzegi zo dala scaletta, te vai a sbater che te te fa propri mal, con quei su alto che i varda zo e i ride, che te vem da rider anca a ti, ma te scapa da rimandar e el bagno l'è okupà; rilassete che no te succede gnente e ti che te g'hai paura! Ecco, l'ho sempre tratta 'n rider, ma giuro che quando la me vem me se 'ndurisse el stomec e qualche volta g'ho anca pianzù sora.

Ma se dopo penso a tuti quei che na volta fermi i m'ha domandà come la è nada, alor som contenta de esserghe stada.

E come quando te finissi el militare che te te ricordi sol dei gavettoni, anca mi adess me piass pensar ai bei posti, da la sardegna ai caraibi, dai musei a le baie, a la compagnia, ogni volta diversa, ma che la se somiglia, al magnar ensieme, zerte volte col pess, ma che boni anca i canederli, bagni e gavettoni, sol e acqua, e de tute le monade che gh'è sta drio.

E se quela volta che i m'ha domandà de farme socia g'avessa dit de no, saria stà propri na monada, perché a la fim ho trovà pù amizi che soci.